

ҚАЗАҚСТАН РЕСПУБЛИКАСЫ БІЛІМ ЖӘНЕ ҒЫЛЫМ МИНИСТРЛІГІ

«Бекітемін»

ҚР БҒМ «Қорқыт Ата атындағы  
Қызылорда мемлекеттік университеті»

ШЖҚ РМҚ ректоры м.а.

*Б.Ж. Абдикаримов*  
«*29*» *наурыз* 2019 ж.



ҚОРҚЫТ АТА АТЫНДАҒЫ  
ҚЫЗЫЛОРДА МЕМЛЕКЕТТІК УНИВЕРСИТЕТІНІҢ  
ДИССЕРТАЦИЯЛЫҚ КЕҢЕСІ ТУРАЛЫ  
ЕРЕЖЕ

Қызылорда  
2019

## Алғы сөз

1. ӘЗІРЛЕГЕН: Ғылыми зерттеулерді үйлестіру тобы.

1. 2. БЕКІТІЛІП, ЕНГІЗІЛДІ: бұйрық № \_\_\_\_ « \_\_\_\_ » \_\_\_\_\_ 2019 ж.

## МАЗМҰНЫ

1.	Қолдану аясы .....	4
2.	Нормативтік сілтемелер .....	4
3.	Анықтамалар мен қысқартулар .....	4
4.	Диссертациялық кеңестердің қызметін ұйымдастыру.....	5
5.	Диссертациялық кеңестің функциялары.....	6

## 1.Қолдану аясы

Бұл Ереже Қазақстан Республикасы Білім және ғылым министрлігінің Білім және ғылым саласындағы бақылау комитеті төрағасының 04.03.2019 ж. «Қорқыт Ата атындағы Қызылорда мемлекеттік университетінде философия докторы (PhD), бейіні бойынша доктор дәрежелерін беру жөніндегі диссертациялық кеңестер ашу туралы» №207 бұйрығына сәйкес құрылған диссертациялық кеңестер қызметінің тәртібін анықтайды.

## 2.Нормативтік сілтемелер

Ереже:

- Қазақстан Республикасы Білім және ғылым министрінің 31.03.2011 ж. № 126 бұйрығымен (өзгертулермен және толықтыруларымен) бекітілген Диссертациялық кеңес туралы Үлгі ережеге;
- Қазақстан Республикасы Білім және ғылым министрінің 31.03.2011 ж. № 127 (өзгерістерімен және толықтыруларымен) бұйрығымен бекітілген Дәрежелер беру ережесіне;
- ҚР БҒМ «Қорқыт Ата атындағы Қызылорда мемлекеттік университеті» ШЖҚ РМК Жарғысына сәйкес әзірленген.

## 3.Анықтамалар мен қысқартулар:

Ережеде келесі анықтамалар мен қысқартулар қолданылады:

**Қорқыт Ата атындағы ҚМУ диссертациялық кеңестері** - докторанттардың диссертациялық жұмыстарын қорғауды жүргізетін және уәкілетті орган - Қазақстан Республикасы Білім және ғылым министрлігінің Білім және ғылым саласындағы бақылау комитетінің (бұдан әрі - Комитет) алдында философия докторы (PhD), бейіні бойынша доктор дәрежелерін беруді қолдап ұсыныс түсіретін алқалы органдар.

**Философия докторы (PhD), бейіні бойынша доктор** – ғылыми-педагогикалық бағыт немесе кәсіптік қызметтің тиісті саласы бойынша докторантура бағдарламасын меңгерген және Қазақстан Республикасында немесе одан тысқары жерде диссертация қорғаған тұлғаларға берілетін, Қазақстан Республикасының заңнамасында белгіленген тәртіппен танылған дәрежелер.

**Қорқыт Ата атындағы ҚМУ** - Қорқыт Ата атындағы Қызылорда мемлекеттік университеті.

**Комитет** - Қазақстан Республикасы Білім және ғылым министрлігінің Білім және ғылым саласындағы бақылау комитеті.

**ҚР БҒМ** - Қазақстан Республикасы Білім және ғылым министрлігі.

**ҰМҒТСО** - Ұлттық мемлекеттік ғылыми-техникалық сараптама орталығы.

**ШЖҚ РМК** – шаруашылық жүргізу құқығындағы республикалық мемлекеттік кәсіпорны.

#### 4. Диссертациялық кеңестердің қызметін ұйымдастыру

4.1. Диссертациялық кеңестер 2021 жылғы 31 желтоқсанға дейін кадрлар даярлаудың келесі бағыттары (мамандықтары) бойынша жұмыс жүргізеді:

- 8D011 - Педагогика және психология; 8D013 - Пәндік мамандандырылмаған мұғалімдерді даярлау (біріккен);

- 8D015 - Жаратылыстану пәндері бойынша мұғалімдер даярлау;

- 8D017 - Тілдер мен әдебиет бойынша мұғалімдерді;

- 8D041 - Бизнес және басқару;

- 8D073 - Сәулет және құрылыс;

- 8D081 - Өсімдік шаруашылығы;

- 8D086 - Су ресурстары және суды пайдалану.

4.2. Диссертациялық кеңестің құрамына ғылыми дәрежесі (ғылым кандидаты, ғылым докторы, философия докторы (PhD), бейіні бойынша доктор дәрежесі) немесе философия докторы (PhD), бейіні бойынша доктор академиялық дәрежесі немесе философия докторы (PhD), бейіні бойынша доктор дәрежесі бар кемінде 6 (алты) адам кіреді олардың ішінен кемінде жартысы басқа ЖОО-ның, ғылыми ұйымдардың және (немесе) басқа да ұйымдардың өкілдері болып табылады.

4.3. Диссертациялық кеңестің құрамы Комитетпен келісілген Қорқыт Ата атындағы ҚМУ Ғылыми кеңесінің шешімі негізінде ректордың бұйрығымен бекітіледі.

4.4. Диссертациялық кеңес өз мүшелері арасынан төраға, төрағаның орынбасары және ғылыми хатшы сайлайды.

4.5. Диссертациялық кеңес құрылғаны туралы ақпарат ректор бұйрығы жарияланған күннен бастап 5 (бес) жұмыс күні ішінде Қорқыт Ата атындағы ҚМУ интернет-ресурсында орналастырылады.

Диссертациялық кеңес құрылған күннен бастап бір ай ішінде университет бұл туралы ақпаратты Комитетке жібереді (осы Ереженің 1-қосымшасы).

4.6. Диссертациялық кеңестің отырыстары күнтізбелік жылға жасалады және ректордың бұйрығымен бекітіледі. Диссертациялық кеңестің бір отырысында 2 (екі) диссертациядан артық қорғалмайды және 1 (бір) күн ішінде 2 (екі) отырыс өткізіледі.

4.7. Қорқыт Ата атындағы ҚМУ диссертациялық кеңесінде қорғалған диссертациялық жұмыстар бойынша Комитеттің 2 (екі) теріс шешімі болған жағдайда университет диссертациялық кеңестің жаңа құрамын бекітеді. Осы жаңа кеңесте қорғалған диссертациялық жұмыстар бойынша Комитеттің 2 (екіден) астам теріс шешімі болған жағдайда диссертациялық кеңес өз қызметін тоқтатады және жабылғаннан кейін 3 (үш) жыл бойы қызмет атқармайды.

4.8. Диссертациялық кеңестің қызметіне байланысты барлық шығыстар, оның ішінде мүшелерінің іссапар шығындары Қорқыт Ата атындағы ҚМУ есебінен өтеледі.

4.9. Қорқыт Ата атындағы ҚМУ-де плагиатқа тексеруге арналған «Антиплагиат» компьютерлік бағдарламасы жұмыс істейді. Тексеру бейінді кафедраның және (немесе) құрылымдық бөлімшенің кеңейтілген отырысына дейін 10 (он) жұмыс күні бұрын аяқталады.

## 5. Диссертациялық кеңестің функциялары

### 5.1. Диссертациялық кеңестің функциялары:

- 1) диссертацияны қорғауға қабылдау;
- 2) диссертация бойынша қорғау мерзімін және ресми рецензенттерді тағайындау;
- 3) диссертациялық кеңестің құрамынан докторанттың авторы мен дереккөзіне сілтеме жасалмаған бөтен материалды пайдаланғанын (плагиат) тексеру үшін комиссия (бұдан әрі – Диссертациялық кеңестің комиссиясы) құру;
- 4) диссертацияның ашық түрде қорғауын өткізу;
- 5) диссертацияны қорғаудан алып тастау.

### 5.2. Диссертациялық кеңестің мүшелері:

- 1) объективті, толық және дәйекті мәліметтерді ұсынады;
- 2) диссертацияға қатысты деректерді жасыруға жол бермейді;
- 3) ғылыми этиканың бұзылу фактілеріне төзбейді;
- 4) шешім қабылдағанда қоғамдық пікірдің, бір тараптың немесе үшінші тараптың әсеріне тәуелді болмайды;
- 5) мүдделер қақтығысының алдын алу және реттеу бойынша шаралар қабылдайды;
- 6) қызмет бабында кеңестің басқа мүшелерінің, докторанттардың, ғылыми кеңесшілер мен ресми рецензенттердің ары мен абыройына нұқсан келтіретін дерекі, қорлайтын сөздерді, айыптауларды пайдаланбайды.

Осы тармақта көрсетілген талаптарды сақтамау дерегі анықталған жағдайда диссертациялық кеңес мүшесі оның құрамынан шығарылады.

5.3. Күнтізбелік жыл аяқталған соң диссертациялық кеңес Комитетке осы Ереженің 2-қосымшасына сәйкес нысан бойынша диссертациялық кеңестің жұмысы туралы есеп береді.

5.4. Осы Ережеде белгіленген талаптарды диссертациялық кеңес 3 (үш) реттен көп бұзған жағдайда диссертациялық кеңестің төрағасы, төрағаның орынбасары және ғалым хатшысы ауыстырылады.

5.5. Докторант оқыған ЖОО-да ЖОО кафедрасының және (немесе) құрылымдық бөлімшенің кеңейтілген отырысы өтеді.

Кеңейтілген отырыстан 1 (бір) ай бұрын диссертация докторанттың ғылыми зерттеу саласы бойынша ғылыми дәрежесі (ғылым докторы, ғылым кандидаты, философия докторы (PhD), бейіні бойынша доктор) немесе академиялық дәрежесі (философия докторы (PhD), бейіні бойынша доктор) немесе философия докторы (PhD), бейіні бойынша доктор дәрежесі бар 2 (екі) маманға жолданады.

Кеңейтілген отырысқа кафедра және (немесе) құрылымдық бөлімшелер мүшелерінің кемінде 2/3-сі (үштен екісі), ғылыми кеңесшілер, сондай-ақ аралас (бағытас) кафедралардың және (немесе) ЖОО-ның құрылымдық бөлімшелерінің, ғылыми, басқа да ұйымдардың өкілдері қатысады.

Отырыста кеңесшілер болмаған жағдайда, олардың докторанттың диссертациясы бойынша пікірін ЖОО кафедрасының немесе құрылымдық бөлімшенің басшысы оқиды.

5.6. Кафедраның және (немесе) құрылымдық бөлімшенің кеңейтілген отырысының оң шешімін алғаннан кейін докторант ЖОО ректорына өзінің ғылыми жұмысын қай диссертациялық кеңесте қорғайтынын көрсетіп өтініш береді. Егер докторант басқа ЖОО-н таңдаған жағдайда, докторант оқыған ЖОО 10 (он) жұмыс күні ішінде оның құжаттарын сол диссертациялық кеңеске жолдайды.

Диссертациялық кеңеске келесі құжаттар ұсынылады:

- 1) отандық және шетелдік ғылыми кеңесшілердің пікірлері;
- 2) кафедраның және (немесе) құрылымдық бөлімшенің кеңейтілген отырысының оң қорытындысы;
- 3) берік түптелген және электронды тасымалдағыштағы диссертация;
- 4) ғылыми еңбектерінің тізімі және олардың көшірмелері.

Диссертация қазақ немесе орыс немесе ағылшын тілдерінде ұсынылады.

Құжаттарды қабылдауды диссертациялық кеңестің ғалым хатшысы жүзеге асырады, оларды кемінде 2 (екі) жұмыс күні мерзімінде тіркеп, диссертациялық кеңестің қарауына ұсынады.

5.7. Құжаттар қабылданған күннен бастап 10 (он) жұмыс күнінен кешіктірмей диссертациялық кеңес диссертацияны қорғау күнін белгілейді және ғылыми дәрежесі (ғылым докторы, ғылым кандидаты, философия докторы (PhD), бейіні бойынша доктор) немесе академиялық дәрежесі (философия докторы (PhD), бейіні бойынша доктор) немесе философия докторы (PhD), бейіні бойынша доктор дәрежесі бар және докторанттың зерттеу саласы бойынша кемінде 5 (бес) ғылыми мақаласы бар екі ресми рецензентті тағайындайды.

Қорғау күні белгіленген кезден бастап 3 (үш) айдан аспайтын мерзім ішінде диссертациялық жұмыс қорғалуы тиіс. Қорғау күнін белгілеу кезінде докторанттар құжаттарының түсу кезегі сақталады.

5.8. Диссертациялық кеңес ресми рецензенттерді тағайындау кезінде олардың ғылыми кеңесшілермен өзара тәуелсіз болу қағидаларын басшылыққа алады.

Мыналар ресми рецензент бола алмайды:

- 1) Комитет қызметкерлері;
- 2) докторанттың диссертация тақырыбы бойынша жарияланған жұмыстарының тең авторлары;
- 3) диссертация орындалған және (немесе) докторант тапсырыс беруші немесе орындаушы (тең орындаушы) болып табылатын ағымдағы ғылыми-зерттеу жұмыстары жүргізіліп жатқан ЖОО және (немесе) ғылыми ұйымдар бөлімшелерінің басшылары мен қызметкерлері.

5.9. Диссертациялық кеңес ЖОО интернет-ресурсында докторанттардың қорғауы және кеңестің қызметі туралы келесі материалдарды (мемлекеттік құпияларды немесе қызмет бабында пайдалану үшін мәліметтерді қамтитын материалдар мен диссертациялардан басқа) орналастырады:

- 1) мекен-жайы, күні мен уақыты көрсетілген алдағы қорғау туралы хабарлама (белгіленген қорғау күнінен 1 (бір) ай бұрын);
- 2) диссертация (белгіленген қорғау күнінен 1 (бір) ай бұрын, қорғаудан кейін кемінде 5 (бес) ай ішінде қолжетімді);

3) мемлекеттік, орыс және ағылшын тілдерінде көлемі кемінде 1 (бір) баспа табақ аннотация (белгіленген қорғау күнінен 1 (бір) ай бұрын);

4) докторант жарияланымдарының тізімі (белгіленген қорғау күнінен 1 (бір) ай бұрын);

5) ғылыми кеңесшілердің пікірлері (белгіленген қорғау күнінен 1 (бір) ай бұрын) және қорғаудан кейін кемінде 5 (ай) ішінде қолжетімді);

6) ресми рецензенттердің пікірлері (белгіленген қорғау күнінен 15 (он бес) жұмыс күні бұрын);

7) қорғаудың толық көлемдегі бейнежазбасы, монтажға жол берілмейді (қорғаудан кейін 5 (бес) жұмыс күні ішінде орналастырылады және қорғаудан кейін 5 (бес) ай бойы қолжетімді);

8) философия докторы (PhD), бейіні бойынша доктор дәрежесін беруден бас тарту туралы диссертациялық кеңестің қорытындысы (қорғаудан кейін 5 (бес) жұмыс күні ішінде орналастырылады және қорғаудан кейін кемінде 5 (ай) ішінде қолжетімді);

9) апелляциялық комиссияның шешімі (болған жағдайда, шешім қабылдағаннан кейін 5 (бес) жұмыс күні ішінде орналастырылады және шешім қабылдағаннан кейін кемінде 5 (ай) ішінде қолжетімді);

10) осы Ереженің 2-қосымшасына сәйкес диссертациялық кеңестің жұмысы туралы есеп (күнтізбелік жыл аяқталғаннан кейін 15 (он бес) жұмыс күні ішінде орналастырылады);

11) қорғаулар өткізу күнінің, уақытының, орнының өзгеруі және ресми рецензенттердің ауысуы туралы хабарландыру (болған жағдайда);

12) диссертациялық кеңестің құрамы туралы ақпарат және диссертациялық кеңес қызметінің тәртібі.

5.10. Диссертация Қорқыт Ата атындағы ҚМУ интернет-ресурсында орналастырылған жағдайда, авторлық құқықтарды қорғау қамтамасыз етіледі, диссертация материалдарын заңсыз көшіруден және одан әрі пайдаланудан қорғау технологиялары қолданылады. ЖОО-ның интернет-ресурсында орналастырылғаннан кейін диссертация мәтініне өзгерістер енгізуге жол берілмейді.

Қорқыт Ата атындағы ҚМУ интернет-ресурсында диссертация мазмұны бойынша бейресми пікірлерді орналастыру мүмкіндігі қамтамасыз етіледі, кейін олар қорғауда ұсынылады. Авторын белгілеу мүмкін емес және автордың электрондық поштасы көрсетілмеген бейресми пікірлер қорғауда ұсынылмайды.

5.11. Алдағы қорғау туралы хабарламаны диссертациялық кеңес қорғауға қабылдау күннен бастап 5 (бес) жұмыс күні ішінде Комитетке жолдайды. Диссертациялық кеңестердің қорғаулары бойынша хабарламалар Комитеттің интернет-ресурсында түскеннен кейін 5 (бес) жұмыс күні ішінде орналастырылады (мемлекеттік құпияларды немесе қызмет бабында пайдалану үшін мәліметтерді қамтитын материалдар мен диссертациялардан басқа).

5.12. Диссертация қорғауға қабылданғаннан кейін 10 (он) жұмыс күні ішінде диссертациялық кеңес диссертацияны докторанттың авторы мен дереккөзіне сілтеме жасалмаған бөтен материалды пайдаланғанын тексеру үшін "Ұлттық



мемлекеттік ғылыми-техникалық сараптама орталығы" АҚ-ға (бұдан әрі - ҰМҒТСО) жібереді.

Мемлекеттік құпиялары бар диссертацияларда авторы мен дереккөзіне сілтеме жасалмаған бөтен материалдың пайдаланылуы ҰМҒТСО-да немесе Қазақстан Республикасының ұлттық қауіпсіздік органдарына, Қазақстан Республикасының Ішкі істер министрлігіне, Қазақстан Республикасының прокуратура органдарына және Қазақстан Республикасы Қорғаныс министрлігіне бағынысты әскери, арнайы оқу орындарында және (немесе) ғылыми ұйымдарында комиссия негізінде тексеріледі.

5.13. Қорғағаннан кейін 7 (жеті) жұмыс күні ішінде диссертациялық кеңестің ғалым хатшысы диссертацияның электронды тасымалдағыштағы даналарын Қазақстан Республикасының Ұлттық академиялық кітапханасына және Қазақстан Республикасының Ұлттық кітапханасына береді (мемлекеттік құпияларды немесе қызмет бабында пайдалану үшін мәліметтерді қамтитын диссертациялардан басқа). Бұларға қоса Қорқыт Ата атындағы ҚМУ ғылыми-техникалық кітапханасына диссертацияның қағаз және электронды тасымалдағыштағы данасы беріледі.

5.14. Ресми рецензенттер диссертацияны және жарияланған жұмыстарды зерделеу негізінде диссертациялық кеңеске жазбаша пікірін ұсынады, онда таңдалған тақырыптың:

- ғылымның ("Ғылым туралы" Заңның 18-бабының 3-тармағына сәйкес Қазақстан Республикасының Үкіметі жанындағы Жоғары ғылыми-техникалық комиссия қалыптастыратын) даму бағыттарына және (немесе) мемлекеттік бағдарламаларға сәйкестігі;

- жаңашылдық, дербестік, дәйектілік, ішкі бірлік, практикалық құндылық, академиялық адалдық қағидаларына сәйкестігі бағаланады. Сондай-ақ, философия докторы (PhD), бейіні бойынша доктор дәрежесін беру мүмкіндігі туралы қорытынды беріледі.

Ресми рецензенттер пікірлерінің көшірмелері докторантқа диссертация қорғауға дейін 15 (он бес) жұмыс күнінен кешіктірілмей беріледі.

Пікір осы тармақтың талаптарына сәйкес келмесе, диссертациялық кеңес пікірді 10 (он) жұмыс күнінен кешіктірмей ресми рецензентке қосымша қарау үшін қайтарады немесе ресми рецензентті ауыстырады.

Ресми рецензенттер, сондай-ақ жазбаша түрде бас тартқан немесе рецензиялауға мүмкіндік болмаған жағдайда ауыстырылады. Егер ресми рецензентті ауыстыру туралы шешім 15 (он бес) жұмыс күнінен кешіктіріліп қабылданса, қорғау күні ауыстырылады.

5.15. ҰМҒТСО анықтамасында, ресми рецензенттер және Қорқыт Ата атындағы ҚМУ интернет-ресурсындағы бейресми пікірлерінде плагиат фактілері көрсетілген жағдайда Диссертациялық кеңестің комиссиясы диссертацияны плагиатқа тексереді. Тексеру туралы қорытынды диссертациялық кеңеске диссертация қорғауына 8 (сегіз) жұмыс күні қалғанға дейін беріледі.

5.16. Диссертациялық кеңестің Комиссиясының қорытындысы негізінде диссертациялық кеңес (қорғауға дейін 7 (жеті) күннен кешіктірмей) докторантты қорғауға жібереді немесе диссертацияны қорғаудан алып тастайды. Қабылданған

шешім туралы диссертациялық кеңес докторантқа 2 (екі) жұмыс күні ішінде хабарлайды және тиісті ақпарат Қорқыт Ата атындағы ҚМУ интернет-ресурсында орналастырылады (мемлекеттік құпиялары бар немесе қызметтік бапта пайдалану үшін диссертациялардан қорғалған жағдайдан басқа).

Докторант диссертациясын қорғау мерзіміне 7 (жеті) күн қалғанға дейін оны қорғаудан қайтарып ала алады.

5.17. Диссертациялық кеңестің төрағасы, төраға орынбасары және ғалым хатшысы докторанттың ғылыми кеңесшілері болып табылған жағдайда олар диссертацияны қарастыру кезінде диссертациялық кеңестің отырысында өз міндеттерін орындай алмайды. Диссертациялық кеңес төрағасының міндеттерін орындау диссертациялық кеңестің шешімімен төраға орынбасарына, төраға орынбасары мен ғалым хатшының міндеттерін орындау кеңес мүшелеріне жүктеледі.

Төраға, төрағаның орынбасары мен ғалым хатшы бір мезгілде болмаған жағдайда диссертациялық кеңестің отырысы өткізілмейді.

5.18. Диссертациялық кеңес диссертация қорғау барысының толық көлемде бейнежазбаға түсірілуін қамтамасыз етеді, монтажға жол берілмейді.

5.19. Диссертациялық кеңестің отырысы егер оның жұмысына мүшелерінің кемінде 2/3-і (үштен екісі), диссертациялық кеңестің мүшелерінен отырысқа әр мамандық (кадрларды даярлау бағыты) бойынша кемінде 3 (үш) маман міндетті түрде қатысқан жағдайда заңды болып саналады.

Диссертацияны қорғауды өткізу отырысына диссертациялық кеңес мүшелерінің (1/3-інен аспайтын) on-line режимінде бейне-конференция нысанында қатысқаны да саналады.

Ресми рецензенттердің біреуі жоқ болған жағдайда (дәлелді себептер бойынша) оның пікірін ғалым хатшы оқиды. Ресми рецензенттерге диссертациялық кеңестің қорғау отырысында on-line режимінде бейне-конференция түрінде сөз сөйлеуге рұқсат беріледі.

5.20. диссертациялық кеңес келесі шешімдердің біреуін қабылдау үшін жасырын дауыс беруді жүргізеді.

1) философия докторы (PhD) немесе бейіні бойынша доктор дәрежесін беруді қолдап Комитет алдына ұсыныс түсіру;

2) философия докторы (PhD) немесе бейіні бойынша доктор дәрежесін беруге қатысты Комитет алдына ұсыныс түсіруден бас тарту.

5.21. Докторанттың ғылым кеңесшісі, тікелей басшысы немесе жақын туысқандары болып есептелетін диссертациялық кеңес мүшелері дауыс беруге қатыспайды.

Диссертациялық кеңестің шешімі, егер оған отырысқа қатысқан диссертациялық кеңес мүшелерінің 2/3 (үштен екісі) және одан көбі дауыс берсе, оң қабылданды деп саналады. Егер шешімге отырысқа қатысқан диссертациялық кеңес мүшелерінің 2/3-інен (үштен екісінен) кемі дауыс берсе, теріс шешім қабылданады.

5.22. Теріс шешім қабылданған жағдайда диссертациялық кеңес диссертацияның осы Үлгі ереже мен Қазақстан Республикасы Білім және ғылым министрінің 31.03.2011 ж. №127 бұйрығымен бекітілген (Нормативтік құқықтық

актілерді мемлекеттік тіркеу тізілімінде № 6951 болып тіркелген) Дәрежелер беру ережесінің қандай талаптарына сәйкес келмейтіндігі көрсетілген қорытынды жасайды.

Диссертациялық кеңестің философия докторы (PhD), бейіні бойынша доктор дәрежесін беруден бас тарту туралы қорытындысы Қорқыт Ата атындағы ҚМУ интернет-ресурсында осы Ереженің 21-тармағының 8) тармақшасына сәйкес орналастырылады.

5.23. Диссертациялық кеңестің ғалым хатшысы диссертациялық кеңесте докторлық диссертация қорғалғаннан кейін докторанттың аттестациялық ісін жинақтайды, ол Комитетке күнтізбелік 30 (отыз) күн ішінде жіберіледі. Докторанттың аттестаттау ісінде мынадай құжаттар қоса беріледі:

1) диссертацияның ҰМҒТСО-ға жіберілген күні көрсетіліп, диссертациялық кеңес төрағасының Қорқыт Ата атындағы ҚМУ бланкісінде қол қойған ілеспе қолдау-хаты (мемлекеттік құпияларды немесе қызмет бабында пайдалану үшін мәліметтерді қамтитын диссертациялардан басқа);

2) берік түптелген және электрондық тасымалдағыштағы диссертация;

3) диссертация тақырыбы бойынша ғылыми жарияланымдар тізімі мен көшірмелері;

4) тегі, аты, әкесінің аты (ол болған жағдайда) жазылуы туралы мемлекеттік, орыс және ағылшын тілдерінде мәліметтер;

5) докторанттың автор мен дереккөзге сілтеме жасамай бөтен материалды пайдаланғаны бойынша диссертацияның тексерілгені туралы ҰМҒТСО-ның анықтамасы. Мемлекеттік құпияларды немесе қызмет бабында пайдалану үшін мәліметтерді қамтитын диссертация бойынша диссертацияның авторы мен дереккөзіне сілтеме жасамай бөтен материалды пайдаланғаны тексерілгені туралы Қазақстан Республикасының ұлттық қауіпсіздік органдарына, Қазақстан Республикасының Ішкі істер министрлігіне, Қазақстан Республикасының прокуратура органдарына және Қазақстан Республикасы Қорғаныс министрлігіне бағынысты әскери, арнайы оқу орындарында және (немесе) ғылыми ұйымдардағы комиссияның анықтамасы ұсынылады;

6) ғылыми кеңесшілердің пікірлері;

7) 2 (екі) ресми рецензенттің пікірі;

8) осы Ережеге 3-қосымшаға сәйкес нысан бойынша диссертациялық кеңес мүшелерінің келу парағы;

9) диссертацияны қорғау жөніндегі диссертациялық кеңес отырысының толық көлемдегі бейнежазбасы және төраға мен ғалым хатшы қол қойған хаттамасы;

10) докторантураның кәсіптік оқу бағдарламаларын меңгергені туралы транскриптің көшірмесі;

11) осы Ережедегі 4-қосымшаға сәйкес нысан бойынша докторант туралы мәлімет.

12) Кадрлар қызметі бекіткен жеке іс парағы;

13) жоғары және жоғары оқу орнынан кейінгі білім туралы дипломдар мен қосымшаларының нотариалды расталған көшірмелері.

5.24. Комитеттің немесе диссертациялық кеңестің теріс шешімі қабылданған диссертация қайта қорғауға осы Ереженің 3-тарауында белгіленген тәртіппен ұсынылады.

Қайта қорғауға ұсынылған диссертация бойынша диссертациялық кеңес диссертацияда бұдан бұрын орын алған бұзушылықтар жойылғаны туралы қорытынды жасау үшін өз құрамынан 3 (үш) мүшені тағайындайды. Олардың қорытындысы Қорқыт Ата атындағы ҚМУ интернет-ресурсында қорғауға кемінде 10 (он) жұмыс күні бұрын орналастырылады және диссертация қорғау барысында таныстырылады.

5.25. Диссертациялық кеңестің теріс шешіміне апелляцияны докторант диссертация қорғалған ЖОО шешім шығарған күннен бастап 2 (екі) ай ішінде ерікті нысанда береді. Апелляцияны өткізу тәртібін Қорқыт Ата атындағы ҚМУ дербес бекітеді.

5.26. Апелляциялық комиссияның оң қорытындысы және диссертация түпкілікті шешім қабылдау үшін күнтізбелік 15 (он бес) күннің ішінде Комитетке жіберіледі.

Апелляциялық комиссияның шешімі оны қабылдаған күннен бастап 5 (бес) жұмыс күні ішінде докторантқа хабарланады және Қорқыт Ата атындағы ҚМУ интернет-ресурсына орналастырылады.

5.27. Осы Ережемен реттелмейтін, оның ішінде философия докторы (PhD), бейіні бойынша доктор дәрежелерін беруден, апелляцияға беру мерзімін қалпына келтіруден бас тарту мәселелері бойынша даулар Қазақстан Республикасының заңнамасында белгіленген сот тәртібінде шешіледі.

## 1-қосымша

Диссертациялық кеңестің мүшелері туралы ақпарат							
р /с	Аты-жөні (мемлекеттік немесе орыс және ағылшын тілдерінде)	Ғылыми дәрежесі мен ғылыми атағы	Негізгі жұмыс орны	Азаматтығы	Web of Science немесе Scopus халықаралық базалардағы Хирш индексі	Халықаралық рецензияланатын ғылыми журналдардағы жарияланымдар	Комитет бекіткен ғылыми басылымдар тізбесіндегі журналдардағы жарияланымдар

## Диссертациялық кеңестің жұмысы туралы есеп

Қорқыт Ата атындағы Қызылорда мемлекеттік университеті жанындағы

---

кадрлар дайындау бағыты (мамандық) бойынша Диссертациялық кеңес

### Есеп мынадай мәліметтерді қамтиды:

1. Өткізілген отырыстар саны туралы деректер.
2. Өткізілген отырыс санының жартысынан кеміне қатысқан кеңес мүшелерінің тегі, аты, әкесінің аты (ол болған жағдайда).
3. Оқу орны көрсетілген докторанттар тізімі.
4. Есепті жылы кеңесте қаралған диссертацияларға қысқаша талдау келесі бөлімдерді айрықша көрсете отыра:
  - 1) қаралған жұмыстар тақырыптарын талдау;
  - 2) диссертация тақырыбының "Ғылым туралы" Заңының 18-бабының 3-тармағына сәйкес Қазақстан Республикасының Үкіметі жанындағы Жоғары ғылыми-техникалық комиссия қалыптастыратын ғылымның даму бағыттарымен және (немесе) мемлекеттік бағдарламалармен байланысы;
  - 3) диссертациялар нәтижелерін практикалық қолданысқа енгізу деңгейін талдау.
5. Ресми рецензенттердің жұмысына талдау (мейлінше сапасыз пікірлерді мысалға ала отырып).
6. Ғылыми кадрларды даярлау жүйесін одан әрі жетілдіру жөніндегі ұсыныстар.
7. Философия докторы (PhD), бейіні бойынша доктор дәрежелеріне ізденушілердің мамандықтар (кадрларды даярлау бағыты) бойынша қаралған диссертациялары туралы деректер:
  - 1) қорғауға қабылданған диссертациялар (оның ішінде басқа ЖОО докторанттарынан);
  - 2) қорғаудан алынып тасталған диссертациялар (оның ішінде басқа ЖОО докторанттарының);
  - 3) ресми рецензенттердің теріс пікірін алған диссертациялар (оның ішінде басқа ЖОО докторанттарының);
  - 4) қорғау нәтижелері бойынша теріс шешім алған диссертациялар (оның ішінде басқа ЖОО докторанттарының).

Диссертациялық кеңестің төрағасы \_\_\_\_\_ (қолы, аты-жөні және тегі)

Диссертациялық кеңестің ғалым хатшысы \_\_\_\_\_ (қолы, аты-жөні және тегі)

Мөр, Мерзімі «\_\_\_\_\_» \_\_\_\_\_ 20\_\_ ж.

**Диссертациялық кеңес мүшелерінің келу парағы**

Диссертациялық кеңестің «\_\_\_\_\_»\_\_\_\_\_20\_\_ ж. отырысы, хаттама № \_\_

Докторант \_\_\_\_\_  
(тегі, аты, әкесінің аты (ол болған жағдайда))

\_\_\_\_\_ кадрларды даярлау бағыты  
(мамандығы) бойынша диссертациясын қорғауы

Диссертациялық кеңес мүшелерінің тегі, аты, әкесінің аты (ол болған жағдайда)	Дәрежесі	Отырысқа қатысуы (қолы)
1	2	3

Диссертациялық кеңестің ғалым хатшысы \_\_\_\_\_  
(қолы, аты-жөні және тегі)

## Докторант туралы ақпарат

Фото  
3×4

(тегі, аты, әкесінің аты (бар болса))












1	Туған күні және жері, азаматтығы, ұлты		
2	Докторантурада оқығаны туралы ақпарат (ЖОО және оқу мерзімі)		
3	Докторантура мамандығы		
4	Диссертацияның қорғалған орны және күні		
5	Диссертацияның тақырыбы және жазылған тілі		
6	Ғылыми кеңесшілері (Т.А.Ә. (ол болған жағдайда), лауазымы, ғылыми дәрежесі, ғылыми атағы, азаматтығы)		
7	Ресми рецензенттері (Т.А.Ә. (ол болған жағдайда), лауазымы, ғылыми дәрежесі, ғылыми атағы, азаматтығы)		
8	Жарияланымдар саны, барлығы, оның ішінде:		
	Комитет ұсынған басылымдарда		
	Web of science және Scopus базасындағы шетел басылымдарда		
	халықаралық конференциялар материалында, оның ішінде:		
	шетелдік конференция материалында		
9	Еңбек жолы		
Қабылдау мерзімі	Босату мерзімі	Жұмыс орны, лауазымы	Мекеменің мекен-жайы
10	Мекен-жайы, байланыс деректері		

Диссертациялық кеңестің ғалым хатшысы \_\_\_\_\_  
(қолы, аты-жөні және тегі)

Мөр, Мерзімі «\_\_\_\_\_» \_\_\_\_\_20\_\_ ж.



**Келісу парағы**

Лауазымы	Аты-жөні	Келісілген күн	Қолы
Оқу ісі жөніндегі проректор - бірінші проректор м.а.	Үргенішбеков А.Т.	2.04.2019	
Стратегиялық даму және қаржы жөніндегі проректор	Уразбаев Н.Ж.	2.04.2019	
Ғылыми жұмыстар және халықаралық байланыстар жөніндегі проректор м.а.	Омаров Қ.Ә.	2.04.2019 м.	
Диссертациялық кеңес төрағасы	Бисенов Қ.А.	2.04.2019 м.	
Диссертациялық кеңес төрағасы	Майгельдиева Ш.М.	2.04.2019	
Диссертациялық кеңест төрағасы	Кәрібозұлы Б.	2.04.2019	
Диссертациялық кеңест төрағасы	Шомантаев А.Ә.	3.04.2019	
Диссертациялық кеңест төрағасы	Таутенов И.А.	2.04.2019	
Диссертациялық кеңест төрағасы	Ибадуллаева С.Ж.	3.04.2019	
Диссертациялық кеңест төрағасы	Елпанова М.А.	2.04.2019	
Ғылыми зерттеулерді үйлестіру тобының жетекшісі	Шілманова А.М.	29.03.2019	

**Танысу парағы**

Лауазымы	Аты-жөні	Келісілген күн	Қолы
Бас бухгалтер	Работова Н.Қ.	02.04.2019ж.	
Академиялық мәселелер жөніндегі департамент директоры	Майгельдиева Ж.М.	02.04.2019.	
Ғылыми-техникалық кітапхана директоры	Әбенова Ж.Ә.	02.04.2019	
Ақпараттық технологиялар және ғылыми жұмыстар нәтижелерін коммерцияландыру басқармасының бастығы	Мырзаев Р.С.	02.04.2019	
Халықаралық байланыстар бөлімінің бастығы	Кеншінбай Т.Ы.	03.04.2019	
Жоғары оқу орнынан кейінгі білім бөлімінің бастығы	Әбжамиева Л.Б.	04.04.2019	
Экономика және жоспарлау бөлімінің бастығы	Шыңғысбаев А.Ш.	02.04.2019	
Бағдарламалық қамтамасыз ету бөлімінің бастығы	Тұяқбаев А.Ә.	02.04.2019	
Диссертациялық кеңестің ғалым хатшысы	Нарманова Р.А.	3.04.2019	
Диссертациялық кеңестің ғалым хатшысы	Бекжанова Б.Ж.	02.04.2019ж	
Диссертациялық кеңестің ғалым хатшысы	Абасилов А.М.	02.04.2019	
Диссертациялық кеңестің ғалым хатшысы	Шаянбекова Б.Р.	02.04.2019	
Диссертациялық кеңестің ғалым хатшысы	Байжанова Б.Қ.	02.04.2019	
Диссертациялық кеңестің ғалым хатшысы	Құрманбаев Р.Х.	02.04.2019	
Диссертациялық кеңестің ғалым хатшысы	Талапбаева Г.Е.	02.04.2019	

